

四庫全書

史部

# 欽定四庫全書

史部

山東通志卷十一之三

詳校官監察御史臣劉涓

檢討臣德生覆勘

總校官知縣臣繆琪

校對官編修臣盧遂

謄錄監生臣周世燦

欽定四庫全書

山東通志卷十一之三

闕里志三

歷代隆儀

周敬王四十二年魯哀公誅孔子曰尼父

哀公十七年立

廟於舊宅魯世世相傳以歲時奉祀孔子塚

鄭康成曰因其

字以為謚也此

追謚孔子之始

漢高帝十二年冬十一月上行自淮南還過魯以太

牢祀孔子

諸侯主卿相至郡先謁然後從政

此漢以下

祀孔子之始亦新詔以孔子後騰為奉聖君

此封聖  
官准任謁廟之始  
齋承祀

之始

元帝初元元年賜孔霸爵關內侯食邑八百戶號褒

成君奉孔子後

平帝元始元年追謚孔子曰褒成宣尼公

此孔子謚  
宣之始

封孔均為褒成侯奉其祀

後漢光武建武五年冬十月帝幸魯

時征  
董憲

使大司空

以太牢祀孔子

明帝永平二年詔國學祀周公孔子 十五年春三

月東巡至魯幸孔子宅祀仲尼及七十二弟子

此祀孔子

弟子始親御講堂命皇太子諸王說經

章帝元和二年春正月東巡狩三月進幸魯以太牢

祀孔子於闕里及七十二弟子作六代之樂

雲門咸池大韶

大夏大武帝時升廟西向立羣臣中庭北面皆再拜帝

進爵而後坐大會孔氏男子二十以上者六十三人

命儒生講論語

帝謂孔僖曰今日之會寧於卿宗有光榮乎對曰臣聞明王聖主莫不尊

師貴道今陛下親屈萬乘辱於敝里此乃崇禮先師  
增輝聖德至於光榮非所敢承帝笑曰非聖者子孫  
焉有斯言遂拜僖郎中詔從還京師賜  
褒成侯及孔氏男女錢帛留祭器於廟

和帝永元四年追封孔子為褒尊侯以孔損為褒亭  
侯食邑一千戶

安帝延光三年春二月東巡狩過魯祀孔子及七十  
二弟子於闕里自魯相令丞尉及孔氏親屬諸生悉  
會賜褒成侯以下帛各有差

桓帝元嘉二年春三月詔孔子廟置百石卒史一人

百石以祿言  
非百戶也掌領禮器春秋享祀出王家錢給大酒

直河南尹給牛羊豕各一大司農給米

靈帝建寧二年詔祀孔子依社稷出王家穀春秋行禮給守廟百戶

光和元年始置鴻都門學畫先聖及七十二弟子像  
魏文帝黃初元年詔以孔羨為宗聖侯奉孔子祀令  
魯郡修起舊廟置百石史卒以守衛之詔曰昔仲尼  
資大聖之才  
資一作稟懷帝王之器當哀周之末無受命

之運在魯衛之朝教化乎洙泗之上栖栖焉皇皇焉  
欲屈己以存道貶身以救世於時王公終莫能用之  
乃退考五代之禮修素王之事因魯史而制春秋就  
太師而正雅頌俾千載之後莫不宗其文以述作仰  
其聖以成謀茲可謂命世之大聖億載之師表者也  
遭天下大亂百祀墮壞舊居之廟毀而不修褒成之  
後絕而莫繼闕里不聞講誦之聲四時不睹烝嘗之  
位斯豈所謂崇禮報功盛德百世必祀者哉其以議



郎孔羨為宗聖侯邑百戶奉孔子祀令魯郡修其舊

廟置百石吏卒以守衛之又於其外廣為室屋以居

學者

照魏志與碑文小異

齊王正始二年帝講論語通使太常釋奠以太牢祀

孔子于辟雍以顏淵配

五年講尚書通七年講禮記通皆遣太常釋奠如故事前

此祀孔子者皆于闕里至是始行于太學顏子配享始此

晉武帝泰始三年詔太學及魯國四時備三牲以祀

孔子改封宗聖侯孔震為奉聖亭侯 七年皇太子

講孝經通親釋奠於太學以太牢祀孔子以顏淵配

咸寧三年講詩通太康三年講禮記通  
皆釋奠如故事此太子釋奠之始

惠帝元康三年皇太子講論語通親釋奠於太學

元帝太興二年皇太子講論語通親釋奠於太學

明帝太寧三年詔給奉聖亭侯孔嶷四時祀孔子祭

宜如泰始故事

成帝咸康元年帝講詩通釋奠於辟雍

此天子親  
釋奠之始

穆帝升平元年帝講孝經通親釋奠權以中堂為太

學

武帝寧康三年帝講孝經通親釋奠於中堂

以上釋奠祀孔

子以顏淵配  
皆如故事

南宋文帝元嘉十九年冬十二月詔襲孔子後修先  
聖廟下魯郡守衛瑩墓詔曰胄子始集學業方興自  
微言泯絕逝將千祀感事思人意有慨然奉聖之嗣  
可速議繼襲於先廟地特為營建依舊給祠宜令四  
時饗祀闕里往經寇亂黻教殘毀并下魯郡復修學

舍採召生徒昔之賢哲及一介之善猶或衛其土壑  
禁其芻牧況尼父德表生民功被百代而墳塋荒蕪  
荆棘弗翦可蠲墓側數戶以掌灑掃魯郡土民孔景  
等五戶近居孔子墓側蠲其課役供給灑掃種松栢  
六百株封孔鮮為崇聖侯 二十二年皇太子講孝  
經通釋奠於孔子以顏淵配舞六佾設軒懸之樂牲  
牢器用悉依上公

從裴松  
之議

武帝孝建元年令建孔子廟給祭秩詔曰仲尼體天

降德繼周興漢經緯三極冠冕百王爰自前代咸加  
褒述典司失人因闕宗祀先朝遠存遺範有詔繕立  
世故妨道事未克就國難頻深忠勇奮厲實憑聖義  
大教所敦永惟魚懷無忘待旦可開建廟制同諸侯  
之禮詳擇爽壇厚給祭秩

南齊武帝永明三年春正月詔復立國學釋奠先聖

先師設軒懸之樂舞六佾牲牢器用悉依上公

從喻希之

議七年建孔子廟給祭秩復奉聖爵詔曰宣尼誕敷

文德峻極自天發揮七代陶鈞萬品英風獨舉素王  
誰匹功隱於當年道深於日月感麟厭世緬邈千祀  
川竭谷虛陵夷淵塞非但洙泗湮淪至乃享嘗乏主

一作饗堂

前王敬仰崇修寢廟歲月亟流鞠為茂草今學

校興立實稟洪規撫事懷人彌增欽屬可改築宗枋  
務在典塏量給祭秩禮同諸侯奉聖之爵以時繼紹  
明帝永泰元年修祀孔子詔曰仲尼明聖在躬允光  
上哲弘厥雅道大訓生民師範百王軌儀千載世人

斯仰忠孝攸出元功潛被至德彌闡雖反袂遐曠而  
祧薦靡闕時祭舊品秩比諸侯頃歲以來祀典陵替  
俎豆寂寥牲奠莫舉豈所以克昭大烈永隆風教者  
哉可式循舊典詳復祭秩使牢饌備禮欽享兼申

北魏太武帝始光三年二月起大學於城東祀孔子  
以顏子配

太平真君十一年冬十一月車駕南征至鄒山遣使  
者以太牢祀孔子

獻文帝皇興二年遣中書令高允以太牢祀孔子

以青

徐平故也

孝文帝延興二年二月脩嚴孔子廟祀詔曰尼父稟達聖之姿體生知之量窮理盡性道光四海頃者淮徐未賓廟隔非所致令祀典頓寢禮章殄滅遂使女巫巫妖覲淫進非禮殺生鼓舞倡優媒狎豈所以尊明神敬聖道者也自今以後有祭孔子廟制用酒脯而已不聽婦女合雜以祈非望之福犯者以違制論其



公家有事自如常禮犧牲粢盛務盡豐潔臨祭致敬  
肅如也牧司之官明糾不法使禁令必行 三年詔  
以孔乘為崇聖大夫給十戶以供灑掃

大和十三年七月詔立孔子廟於京師 十六年二

月詔定祀令宣尼之廟當別勅有司饗薦之禮

此有司廟

享之始 改謚宣尼曰文聖尼父授策告謚帝齋中書省

親拜祭于廟 十九年夏四月車駕行幸魯城親祠  
孔子廟詔拜孔氏四人顏氏二人官選諸孔宗子靈

珍封崇聖侯邑一百戶以奉孔子之祀又詔兗州為孔子起園栽栢修飾墳壠更建碑銘褒揚聖德

孝明帝正光元年春正月命繕國學備釋奠禮詔曰建國綿民立教為本尊師崇道茲典自昔來歲仲陽節和氣潤釋奠孔顏乃其時也有司可豫繕國學圖飾聖賢置官簡牲擇吉備禮二年春三月帝詣國子學祀孔子以顏淵配

孝靜帝興和三年兗州刺史李瑋始建聖像雕塼十

子侍側

南梁武帝天監四年春正月詔立州郡學六月建孔

子廟 八年皇太子釋奠孔子樂用軒懸

有司議禮云先師在

堂義所當敬太子宜登  
阼階以明從師之義

敬帝太平二年詔求孔子後為奉聖侯修廟薦秩詔

曰夫子肇靈體詰經仁緯義允光素王載闡元功仰

之者彌高誨之者不倦立忠立孝德被蒸民制禮作

樂道冠羣后雖泰山頽峻

一作極峻

一簣不遺而泗水餘

瀾千載猶在自國圖屯阻祧薦不脩奉聖之門祚嗣  
殲滅敬神之寢簠簠寂寥永言聲烈實兼悽愴可搜  
舉魯國之族以為奉聖侯並修繕廟堂祇備禮典四  
時薦秩一皆遵舊

北齊文宣帝天保元年詔封孔渠為崇聖侯邑一百  
戶以奉孔子之祀并下魯郡以時修治廟宇務盡褒  
崇之至 齊制將講於天子先定經於孔父廟帝至  
學坐廟堂上講畢以一太牢釋奠孔父配以顏淵列

軒懸樂六佾舞行三獻禮皇太子每通一經亦釋奠  
入制新立學必釋奠先聖先師每歲春秋二中常  
行其禮每月旦祭酒領博士以下及國子諸學生已  
上太學四門博士升堂助教已下太學諸生階下拜  
孔揖顏日出行事郡學則于坊內立孔顏廟博士已  
下亦每月朝云此朔日行禮之始詔改封孔渠為恭聖侯  
北周靜帝大象二年追封孔子為鄒國公制曰大德  
之後是稱不絕功施于民義昭祀典孔子德惟藏往

道實生知以大聖之才屬千古之運載弘儒業式敘  
藝倫至如參贊天人之理裁成禮樂之務故作範百  
王垂風萬葉朕欽承寶歷服膺教義眷言洙泗懷道  
滋深而褒成啟號雖彰故實旌崇聖績猶有闕如可  
追封為鄒國公邑數準舊並立後承襲列于京師置  
廟以時祭享改封孔渠為鄒國公食邑一千戶

陳宣帝大建三年皇太子釋奠先師

後主至德三年釋奠先聖勅脩葺廟宇詔曰宣尼誕

膺上哲體資至道祖述憲章之典並天地而合德樂  
正雅頌之奧與日月而偕明垂後昆之制範開生民  
之耳目梁季湮微靈寢亡處鞠為茂草三十餘年敬  
仰如在永惟愴息今雅道和熙由庚得所斷琴故履  
零落不追閱筭開書無因脩復可詳之禮典改築舊  
廟葺房桂棟咸使維新芳馨潔潦以時饗奠

隋文帝開皇初贈孔子為先師尼父制國子寺每歲  
以四仲月上丁釋奠於先聖先師州郡學以春秋仲

月釋奠樂奏咸夏

此郡縣二仲釋奠之始前此元魏雖命有司薦享然未名釋奠亦無

定時也

煬帝大業四年詔立孔子後封孔嗣恁為紹聖侯食

邑一千戶

唐高祖武德二年六月立周公孔子廟于國子學詔

曰大德必祀義在方冊達人命世流慶後昆爰始姬

旦匡翊周邦創設禮經大明典憲啟生民之耳目窮

法度之本原粵若宣尼天姿睿哲四科之教歷代不



刊三千之徒風流無斁惟茲二聖道濟生人尊禮不

脩孰明褒尚宜命有司立周公孔子廟各一所四時

致祭

邱濬曰自曹魏釋奠孔子于辟雍元魏始有廟不知其何時立也至是高祖始詔國子立廟然

周公孔子各自為廟七年二月帝釋奠於國學以周公為先聖

孔子配九年封孔德倫為褒聖侯重修孔子廟

太宗貞觀元年詔孔氏子孫並免賦役二年罷祀周

公尊孔子為先聖以顏淵配備千戚俎豆之容

房玄齡等

議武德中詔釋奠於太學以周公為先聖孔子配享臣以為周公尼父俱稱聖人庠序置奠本緣夫子故

晉宋梁陳及隋皆以孔子為先聖顏淵為先師歷代所行古今通允請停祭周公升孔子為先聖以顏淵配詔從之四年詔州縣學皆立孔子廟

此郡縣立文廟之始十一年

尊孔子為宣父作廟於兗州給戶二十以奉之命褒

聖侯家祭服玄冕朝會同三品

此召孔氏子孫朝會之始

十四年

二月觀釋奠於太學詔祭酒孔穎達講孝經二十

一年詔皇太子釋奠於國子學皇太子為初獻國子

祭酒為亞獻司業為終獻禮畢講孝經

舊禮釋奠學官自為祭主

直云博士姓名至是中書侍郎許敬宗等奏祭先聖先師秦漢無文魏則以太常行事晉宋以學官主祭

請自今國學釋奠令祭酒為初獻祝辭稱皇帝謹遣某官司業為亞獻博士為終獻州學以刺史上佐博士三獻縣學以令丞主簿若尉三獻如社祭給明衣令為永式此遣官釋奠之始而守令主祭亦始於此

高宗永徽中復以周公為先聖孔子為先師

顯慶二年以周公配享武王復尊孔子為先聖

長孫無忌

等言禮釋奠於其先師若禮有高堂生樂有制氏詩有毛公書有伏生又禮始立學釋奠於先聖鄭康成註若周公孔子是也漢魏以來取舍各異孔子顏淵互作先師周公尼父迭為先聖貞觀之末親降綸言依禮記之明文酌康成之與說正夫子為先聖加衆儒為先師新令不詳判旨輒事刊改請改令從詔於

義為允其周公仍以別  
禮配享武王帝從之

三年詔先聖廟用宣和之舞

國子博士范  
願撰樂章

乾封元年春正月東封泰山幸曲阜祠孔子追封太  
師增修廟制詔曰朕惟德契機神盛烈光於後世化  
成天地元功被於庶物魯大司寇宣尼父孔某資大  
聖之材屬衰周之末思欲屈已濟俗弘道佐時歷聘  
周流莫能見用想乘桴以永歎因獲麟而興感於是  
垂素王之雅則正魯史之繁文播鴻業於一時昭景

化於千祀朕嗣膺寶歷祇奉睿圖憲章前王規矩先  
聖崇至公於海內行大道於天下遂得八表入安兩  
儀交泰功成化洽禮備樂和展采東巡迴輿西土途  
經茲境撫事興懷駐蹕荒區願為師友瞻望幽墓思  
承格言雖燕寢荒蕪餘基尚在靈廟虛寂徽烈猶存  
孟軻曰自生民以來未有若孔子者也微禹之歎既  
深褒崇之道宜峻可追封大師庶年代雖遠式範令  
圖景業惟新儀型茂實其廟宇制度卑陋宜更加修

造仍令三品一人以少牢致祭褒聖侯德倫既承哲嗣有異常流其子孫並宜免賦役詔遣司稼正卿扶餘隆祝告其文曰皇帝遣司稼正卿扶餘隆以少牢致祭於先聖孔宣父曰惟神玉鈎陳貺靈開四肘之源金鼎流禎慶傳三命之範神資越誕授山嶽以騰英天縱攸高蘊河海而標狀折衷六藝宜創九流睿乃生知靈非外獎於是考三古褒一言刊典謨定風什莊敬之容畢備鐘鼓之音載和父子爰親君臣以

穆蕩乎煥乎樂正雅頌各得其所可不謂至聖矣乎  
朕以涼德嗣膺神器式崇祇配展義云亭感周禮之  
尚存悲素王之獨往杼軸洙泗如挹清瀾留連舞雩  
似聞金奏閭門曳練徒有生芻之疑漢曲移舟非復  
祥萍之實慨然不已爰贈太師堂宇卑陋仍命修造  
襲聖子孫合門與復庶能不遺百代助損益之可知  
永鑑千年同比肩而為友聿陳菲奠用旌無朽梅曙  
霞梁松春月牖德音暢而無斲形神忽其將久儻弗

殊於生前亦知榮於身後尚饗

自此各朝遣官致祭皆書皇帝遣某官後

不復

舉

總章元年二月皇太子釋奠於國學

咸亨元年詔州縣皆營孔子廟

開曜元年二月皇太子釋奠於國學

中宗天授元年追封孔子為隆道公

神龍元年以鄒魯百戶為隆道公采邑以奉歲祀子

孫世襲褒聖侯



睿宗景雲二年八月皇太子釋奠於太學

先天元年二月皇太子釋奠于國學帝製孔子贊贊  
曰猗歟夫子實有聖德其道可遵其儀不忒刪詩定  
禮百王取則吾豈匏瓜東西南北 詔于兗州取側  
近孔廟三十戶以供灑掃

玄宗開元七年上命皇太子齒胄于學謁先聖太子  
初獻亞終獻並以胄子克祀先聖如釋奠右散騎常  
侍褚無量講孝經并禮記文王世子篇 十三年冬

十一月東封太山幸曲阜詣孔子宅親設奠祭又遣  
官以太牢祭墓免孔氏子孫賦役給復近墓五戶灑  
掃復御製詩一首題曰經鄒魯祭孔子而歎之詩曰  
夫子何為者栖栖一代中地猶陬氏邑宅即魯王宮  
歎鳳嗟身否傷麟怨道窮今看兩楹奠當與夢時同  
二十二年詔撰釋奠樂章樂用姑洗之均三成

二十七年追謚孔子為文宣王制曰弘我王化在乎  
儒術能發揮此道啟迪含靈自生民以來未有如孔

子者也所謂自天攸縱將聖多能德配乾坤身揭日月故能立天下之大本成天下之大經美政教移風俗君君臣臣父父子民到於今受其賜不其偉歟嗚呼楚王莫封魯公不用俾夫大聖才列陪臣棲遲旅人困可知矣年祀寢遠光靈益彰雖代有褒稱而未崇峻秩不副於實人其謂何夫子既稱先聖可追謚為文宣王令三公持節冊命昔周公南面夫子西面今位既有殊豈宜依舊宜補其墮典永作常式其

南京國子監及天下諸州縣學夫子南面坐十哲等  
東西行列侍命尚書左丞相裴耀卿攝太尉持節就  
國子廟冊冊畢所司奠祭亦如釋奠之禮又遣太子  
少保崔琳往東都就廟行冊禮勅兩京及兗州舊宅  
廟像改服袞冕樂用宮懸舞用八佾頒四箱金石二  
十四架 二十八年詔春秋二仲月上丁令三公攝  
行事詔封孔璲之為文宣公食邑一千戶朝位列文  
官二品之下給曲阜林廟百戶灑掃

代宗永泰元年八月修國學祠堂成行釋奠禮奏宮  
懸於論堂

德宗貞元二年二月釋奠詔自宰臣已下畢集於國  
學學官升講座陳五經大義 唐制每年春秋釋奠  
祝版御署訖北面而揖

憲宗元和十三年復置聖廟灑掃五十戶

宣宗大中元年詔賜百緡克孔子祀

從宰臣向敏中之請

懿宗咸通四年詔給灑掃林廟五十戶

後唐明宗長興二年修復文宣王廟祀

時朱梁喪亂廟祀廢至是

復之

後周太祖廣順二年車駕親征五月入兗州謁夫子廟再拜近臣言天子不當拜異代陪臣帝曰夫子聖人也百王取則安得不拜六月幸曲阜祠孔子再拜詔留所獻銀酒器並爐於廟中及詣聖林又再拜勅兗州脩葺祠廟給復十戶為灑掃戶飭禁樵採

宋太祖建隆元年詔祭文宣王廟立十六戟於廟門

用正一品禮 增葺太學祠宇塑先聖亞聖十哲像

畫七十二賢及先儒二十一人像於東西廡之木壁

帝三幸太學謁文宣王廟親製孔子贊贊曰王澤下

哀文武將墜尼父挺生河海標異祖述堯舜有德無

位哲人其萎鳳鳥不至

十哲以下命文臣分贊之

二年詔定樂章

文宣王廟用永安之曲

竇儼撰樂章

太宗太平興國三年十月詔復曲阜縣文宣王家

歷代

以聖人之後不與庸調周顯德中遣使均田柳同編戶今特詔免

八年重修闕里文

宣王廟詔近臣曰朕嗣位以來咸秩無文徧修羣祀  
惟魯之夫子廟堂未加營葺闕孰甚焉可詔大將作

恢敞儒宮

端拱元年八月車駕臨國子監謁文宣王

禮畢升輦將出西門

時博士李覺方聚徒講書上即召覺令對御講覺對曰陛下六飛在御臣何敢輒升高坐上因降輦命有司張帝幕設別坐詔覺講周易之泰卦從臣皆列坐覺乃述天地感通君臣相應之旨上甚喜賜帛百疋

淳化四年詔先聖廟六衙朔望焚香

從監庫使臣之請帝凡

三謁文宣王廟詔繪三禮器物制度于國學講論堂



木壁又詔建國子監文宣王廟于河南府

真宗景德三年詔諸道州府軍監修葺文宣王廟

四年詔兗州增給文宣王守塚五十戶

時止七戶守塚特增之

大中祥符元年十月東封泰山十一月幸曲阜謁文

宣王廟詔曰朕以紀號岱宗觀風廣魯久懷先聖實

主斯文矧尼山毓粹之區光靈可挹而曲阜奉祀之

地廟貌猶存將申款謁之儀用表欽崇之志宜取十

一月朔日幸曲阜縣備禮躬謁仍付所司詳定 十

一月朔日車駕至曲阜縣謁文宣王廟內外量設黃  
麾仗襲文宣公及宗屬並許陪位帝服鞞袍行酌獻  
禮初有司定議肅揖帝特展拜以表嚴師崇儒之意  
又幸叔梁紇堂命近臣分奠七十二弟子禮畢立殿  
之西召孔氏子孫撫諭之復詣孔林以樹擁道降輿  
乘馬至墓設奠復再拜又御北亭召從臣觀古碑加  
謚孔子為元聖文宣王詔曰王者順考古道懋建大  
猷崇四術以化民昭宣教本總百王而致治丕變人

文方啟迪於素風思丕揚于鴻烈先聖文宣王道膺  
上聖體自生知以天縱之多能實人倫之先覺元功侔  
乎簡易景鑠配乎貞明惟列辟以尊崇為億載之師  
表肆朕以寡昧欽承命厯曷敢不遵守彝訓保乂中  
區屬以祇若元符告成喬嶽觀風廣魯之地飭駕數  
仞之牆躬謁遠祠緬懷遐躅仰明靈之如在肅奠獻  
以惟寅是用稽簡冊之文昭聰叡之德聿舉追崇之  
禮庶申嚴奉之心備物典章垂之不朽誕告多士昭

示朕意宜追謚曰元聖文宣王遣吏部尚書張齊賢以太牢祭告祝文曰朕以有事岱宗畢告成之盛禮緬懷闕里欽設教之素風躬謁奠於嚴祠特褒崇於懿號仍令舊相載達精誠昭薦吉蠲用遵典禮以充國公顏子等配復勅修飾祠宇給近便十戶以奉瑩域賜其家錢三十萬帛三百匹近屬授官賜出身者六人又遣內侍殿頭張文質齋勅賜太宗御製書五百十七軸九經書及疏釋文三史書并昨親奠祭器

留於廟中勅曰國家尊崇師道啟迪化源睠惟鄒魯  
之邦是曰詩書之國尼山在望靈宇增嚴朕登岱告  
成回鑒款謁期清風之益振舉縉禮以有加式咨誨  
誘之方更盡闡揚之旨宜以所賜太宗皇帝御製御  
書并正義釋文及器物等並置于廟中書樓上收掌  
委本州長吏職官及本縣令佐等同共檢校如有講  
說釋奠並須以時出納勿令損污此勅文仍刊之于  
石昭示無窮是年降曲阜廟桓圭一從上公之制詔

追封孔子父叔梁紇為齊國公母顏氏為魯國夫人  
遣都官員外郎王勵祭告制曰朕以祗陟岱宗親巡  
魯甸永懷宣聖之德躬造闕里之庭奠獻周旋欽崇  
備至惟降靈之所自亦錫命之有初像設具存名稱  
斯闕宜加追命以煥典章叔梁紇宜追封齊國公顏  
氏宜追封魯國太夫人又追封聖配升官氏為鄆國  
夫人制曰朕時巡魯郡躬詣孔堂顧風教之所尊舉  
典章而既渥眷惟令淑作合聖靈載稽簡冊之文尚

闕封崇之數屬茲咸秩特示追榮垂厥方來式昭遺  
範升官氏宜追封鄆國夫人仍令兗州遣官詣曲阜  
廟祭告 二年二月詔立曲阜縣孔子廟學舍加先  
聖冕服桓圭從上公之制冕九旒服九章五月帝親  
製元聖文宣王贊分宰相等撰顏子以下贊詔曰朕  
乃者封巖禪社昭列聖之鴻休崇德報功廣百王之  
彝制洎言旋於闕里遂躬謁于魯堂瞻河海之姿睟  
容穆若出洙泗之上高風凜然舉茂典之有加期斯

文之益振由是推恩世肖併錫寵章祇事祠庭增其奉邑復念性與天道德冠生民議茲元聖之名冀廣嚴師之禮兼朕親為製贊以表崇儒至于四科鉅賢並超五等七十達者俱贈列侯位彼先儒皆傳聖道咸加贈典俾耀素風仍命宋寮分紀遺烈式盡褒揚之旨庶資善誘之方宜令中書門下樞密院三司使兩制丞郎待制閣館直館校理分撰贊以聞御製序曰若夫檢玉岱邱迴輿闕里緬懷于先聖躬謁于嚴



祠以為易俗化民既仰師于彝訓崇儒重道宜益峻  
于徽章增薦崇名聿陳明祀思形容于盛德爰刻鏤  
于斯文贊曰立言不朽垂教無疆昭然令德偉哉素  
王人倫之表帝道之綱厥功茂實其用允臧升中既  
畢盛典載揚洪名有赫懿範彌彰 三年六月命崇  
文院刊釋奠儀注及祭器圖頒之諸路 四年五月  
詔州縣立孔子廟 五年十二月改封孔子為至聖  
文宣王詔大常禮院定州縣釋奠器數 七年用先

天節禮畢詣文宣王廟行禮

天禧元年定太學釋奠遣太尉太常光祿卿以克三

獻

從國子監孫奭之請

詔崇文館雕印釋奠儀注及祭器圖頒

行諸路二年詔葺孔子廟賜文宣公家祭寃服

仁宗天聖元年八月幸國子監謁孔子有司言舊儀

止肅揖帝特再拜

景祐元年詔釋奠用登歌

按開元中已用登歌尋廢至是復之

慶歷四年五月幸國子監謁孔子再拜勅曲阜縣差

中戶五十人克孔廟灑掃 八年詔聖父齊國公像  
易以九章之服於聖殿後立廟奉安

皇祐三年七月以孔氏子孫復知仙源縣事

祥符中  
改曲阜

為仙 源 詔曰國朝以來世以孔氏子孫知仙源縣使奉

承廟祀近歲廢而不行非所以尊先聖也宜復之 真宗

朝授孔延世為曲阜令襲封文宣公

至和二年三月封孔子後為衍聖公

太常博士祖無擇言孔子為文

宣王不可以祖謚而加後嗣詔改之按衍聖公之稱  
始此哲宗朝旋改旋復自後歷代因之襲封宗子詳

世爵  
中

嘉祐六年賜孔廟飛白御書殿榜并金字篆碑帝寫  
榜時必巾櫛而書 遣兗州通判田洵設祭奉安祝  
文曰惟王淵聖難名誠明獨稟敷厥雅道大闡斯文  
生民以來至德莫二教行萬世儀比三王闕里之居  
祠宇惟煥遐瞻牆仞逖仰門扉奮於飛染之蹤新茲  
標榜之制命工庀事推策涓辰敢議形容特申崇奉  
仰惟降格遙冀鑒觀

神宗元豐元年詔兗州修葺先聖祠廟又命太常修  
四孟奠菜儀

哲宗元祐元年勅白身合襲封人與除承奉郎專主  
先聖祠事無兼他職添支供給隨本資次每三年理  
為一任用本路及按察官薦舉依吏部格闕陞資任  
如朝廷非次擢用許依舊帶管公爵令以次合襲封  
人權主祀事每遇親祠大禮冬正朝會許赴闕陪位  
增賜田百頃以供祭祀復給孔廟灑掃戶五十人看

林戶三人

熙寧中新法行裁減灑掃戶存三十人看林戶存三人至是從司馬光之請增復之

十月改衍聖公為奉聖公勅定家祭冤服等制度

元符

中復改衍聖公

六年十月幸太學先謁至聖文宣王廟行釋

奠禮一獻再拜禮成詔博士皆升堂坐諸生兩廡下

命國子祭酒講無逸終篇

徽宗崇寧元年二月詔追封孔鯉為泗水侯孔伋為

沂水侯八月建外學於國南詔曰古者學必祭先師

況都城近郊大闢黌舍聚四方之士多且數千宜建

文宣王廟以便薦獻 四年詔辟雍文宣王殿以大

成為名帝幸國子監謁文宣王殿再拜行酌獻禮遣

官分奠兗國公以下又詔考正先聖及弟子冕服文

宣王用王者冕十二旒袞服九章畫圖鏤版印賜仍

頒降天下州縣學依圖改正

從國子監司業蔣靖之請

五年頒祀

先聖祝文曰維王固天攸縱誕降生知經緯禮樂闡

揚文教餘烈遺風千載是仰俾茲末學依仁游藝謹

以制帛牲齊粢盛庶品祇奉舊章式陳明薦以充國

公鄒國公配

大觀元年詔先聖墓立賞錢十貫禁樵採林木許人  
告捉 二年詔繪子思像從祀 三年詔正樂書更

撰釋奠樂章 四年制文宣王改執鎮圭廟門增立

二十四戟如王者制

按周禮王  
用鎮圭

政和元年詔孔門弟子封爵及郡縣犯先聖諱者悉

改正 四年御書大成殿額賜太學並曲阜孔子廟

仍頒其名于諸路州學

從舒州司戶  
孔若谷之請

五年大晟府



擬撰釋奠十四章詔下國學選諸生肄習上丁釋奠  
奏于堂上以祀先聖 六年五月詔遣宣教郎孔若

谷頒賜堂上正聲大樂一副禮器一副于闕里

禮器一副

壘一洗一勺全悅巾二簠全尊壺二龍勺簠各全毛  
血盤一象尊一犧尊一簠簋并蓋登瓦并蓋箱簠並  
竹各一銅鼎三并蓋杓三簋十罩全豆十簠全昨案  
八爵三玷全大樂一副祝一推全致一簋全編鐘編  
磬各一架柶簾崇牙流蘇等各全搏拊鼓篳篥笛簫  
巢笙和笙一弦至九弦琴瑟二是也從衍聖公孔端  
友之請 天下節鎮州縣學皆賜堂上樂一副正聲樂曲

十二章春秋上丁釋奠則學生登歌作樂

宣和四年詔修太學命駕奠謁親製孔子贊詞曰厥  
初生民自天有造百世之師立人之道有彛有倫垂  
世立教爰集大成千古允蹈乃嚴斯所乃詹斯宮瞻  
彼德容云孰不崇

高宗紹興十年以釋奠文宣王為大祀 十四年幸  
太學祇謁先聖止駕于大成門外登降步趨執爵灌  
獻頒大成樂仍內降王圭 親製孔子贊詞曰大哉  
宣聖斯文在茲帝王之式古今之師志則春秋道由

忠恕賢于堯舜日月共喻惟時載雍職此武功肅昭  
盛儀海宇聿宗

孝宗淳熙四年二月幸太學祇謁先聖退御敦化堂  
命國子祭酒林光朝講中庸

寧宗慶元中定祀文宣王為中祀獻官以州縣長吏  
以次官克非實有疾故不得輒委他官行禮

理宗淳祐元年正月帝幸太學謁孔子遂御崇化堂  
命祭酒曹夔講禮記大學篇製道統十三贊就賜國

予監贊宣聖曰聖哉尼父秉德在躬歷聘列國道大  
莫容六藝既作文教聿崇古今日月萬代所宗

景定二年正月詔皇太子謁孔子於太學

度宗咸淳三年春正月帝詣太學謁孔子行釋奠禮  
以顏淵曾參孔伋孟軻配享升顓孫師于十哲頒祝  
文曰惟王金聲玉振集厥大成有道立教垂憲萬世  
茲率舊章謹以制幣牲齊粢盛庶品式陳明薦以先  
師充國公邾國公沂國公鄒國公配尚饗

此文不詳  
年月應附

于初設四配之  
年以備載攷

遼太祖神冊元年春立皇太子問侍臣曰受命之君  
當祀天敬神有大功德者朕欲祀之何先皇太子對  
曰孔子大聖萬世所尊祀宜先太祖大悅三年詔  
建孔子廟皇太子春秋釋奠四年孔子廟告成躬謁  
祭奠

道宗清寧六年六月命以時祭先聖先師

金太宗天會八年免文宣家賜田稅課

從仙源縣主簿孔若鑑之

請

熙宗皇統元年二月上詣文宣王廟奠祭北面再拜  
顧儒臣曰為善不可不勉孔子雖無位以其道可尊  
使萬世高仰如此 三年勅免孔氏子孫賦役

世宗大定十四年依國子監言定釋奠儀禮行三獻  
樂用登歌考周禮冕服聖像冕十二旒服十二章

二十二年重修闕里孔子廟成

金貞祐之亂廟貌盡燬至是修復制乃大

備遣兖州節度使孫康祭告祝文曰國家禮崇儒術

道尊聖師闕里廟貌於以新之雅樂具舉法服章之  
庶幾鑒格永集繁禧二十三年二月遣尚書右丞  
張汝弼致祭文宣王廟

章宗明昌元年三月詔修曲阜孔子廟增拓舊制

三年四月詔衍聖公可超遷中議大夫永著于令八  
月定先聖春秋釋奠三獻官以祭酒司業博士克祝  
詞稱皇帝謹遣某及登歌改用太常樂工其獻官并  
執事與享者並法服陪位學官公服學生儒服十月

有司奏增修曲阜宣聖廟勅翰林學士党懷英撰碑

四年八月釋奠孔子廟前一日諭宣徽院曰明日

親釋奠有司議肅揖朕以宣聖萬世帝王師恐汝等  
未喻故備拜裊朕將拜焉及謁廟北面再拜 六年

夏四月勅有司以增修曲阜宣聖廟工畢賜衍聖公  
以下三獻法服及登歌一部仍遣太常舊工往教孔  
氏子弟以備祭禮七月命兗州長官以曲阜新修廟  
告成於先聖 七年行郊禮召衍聖公赴闕侍祠位



在終獻之次

承安二年春帝視學祀孔子以親王攝亞終獻皇族陪祀文武羣臣助奠親為贊文 四年二月詔刺史州郡無宣聖廟者並增修之 五年三月諭有司進士名有犯孔子諱者避之仍著為令

宣宗貞祐三年遷汴建宣聖廟于會朝門內歲祀如儀

哀宗天興元年八月釋奠孔子

元太祖十年平燕京以金樞密院為宣聖廟行釋奠禮

太宗五年十二月勅修孔子廟 八年三月復修孔子廟 九年令衍聖公孔元措修曲阜孔子廟賜給其費 給復守廟一百戶

世祖中統二年六月詔宣聖廟有司歲時致祭月朔釋奠禁諸官員使臣軍馬毋得侵擾褻瀆違者加罪 八月命開平守臣釋奠于宣聖廟 三年正月修宣

聖廟成

至元四年正月勅修曲阜宣聖廟五月勅上都重建

孔子廟 十年詔春秋二丁釋奠執事官員各公服

如其品陪位諸儒襴帶唐巾行禮

中書省判送御史中丞兼領侍儀司

呈至聖文宣王用王者禮樂御王者衣冠南面當坐天子躬祀其於萬世之統尊千載之通祀者莫如夫子也切見外路官員提學教授每遇春秋二丁不變常服以供執事於禮未宜故詔三十一年

七月成宗詔諭中外百官吏人等孔子之道垂憲萬

世有國家者所當崇奉曲阜林廟上都大都諸路府

州縣邑應設學校書院照依世祖皇帝聖旨禁約諸  
官員使臣軍馬毋得於內安下或聚集問理詞訟褻  
瀆飲宴工役造作收貯官物其贍學地土產業及貢  
士庄諸人毋得侵奪所出錢糧以供春秋二丁朔望  
祭祀及師生廩膳貧寒老病之士為衆所尊敬者月  
支米糧優恤養贍廟宇損壞隨即修完作養後進嚴  
加訓誨講習道藝務要成材若德行文學超出時輩  
者有司保舉肅政廉訪使體覆相同以備選用

成宗大德元年勅各官蒞任先詣先聖廟拜謁方許

以次詣神廟著為令 六年修曲阜文宣王廟

廟殿七間

轉角複簷重址基高一丈有奇內外皆石柱外柱二十六皆刻龍于上神門五間轉角周圍亦皆石柱基

高一丈悉用琉璃建孔子廟于京師 七年十月給

大都文宣王廟供灑掃五戶 九年八月給曲阜林

廟灑掃二十八戶

至元二年罷灑掃戶至是復之

以尚珍署田五十

畝供歲祀 十年八月京師文宣王廟成行釋奠禮

牲用太牢樂用登歌

製法服三襲命翰林院定樂名樂章

十一年七月

武宗追封孔子為大成至聖文宣王制曰蓋聞先孔子而聖者非孔子無以明後孔子而聖者非孔子無以法所謂祖述堯舜憲章文武儀範百王師表萬世者也朕纘承丕緒敬仰休風循治古之良規舉追封之盛典加號大成至聖文宣王遣使闕里祀以太牢於戲父子之親君臣之義永惟聖教之尊天地之大日月之明奚罄名言之妙尚資神化祚我皇元

武宗至大元年秋七月詔遣集賢院學士王德淵欽

齋制詞香酒赴闕里林廟與兗州知州馬禧孔氏家  
長撫以太牢祀行三獻禮祝文曰惟王秉德生知垂  
教不朽聖之時者天何言哉由百世之後莫能違自  
生民以來未之有特加封號大展祭儀仍命臣僚往  
祀林廟以究國公鄒國公配宣賜銀幣白金一百五十兩綵緞表  
裏十三年正月制文宣王春秋二丁釋奠禮牲用太  
牢設曲阜廟學典籍一員 三年十月置曲阜宣聖  
廟登歌樂 四年閏七月仁宗命國子祭酒劉賡詣

曲阜以太牢祀孔子

仁宗延祐三年詔春秋釋奠於先聖以顏子曾子子思孟子配享 七年詔以銀幣遣說書王存義賁赴曲阜以太牢祀孔子帝手香加額以授之是年為聖廟設司樂一員管勾一員

泰定帝泰定元年遣官詣曲阜以太牢祀孔子

文宗天歷二年遣翰林院侍講學士曹元用詣曲阜祀先聖廟



至順元年九月加封聖父為啟聖王聖母為啟聖王  
夫人制曰闕里有家系出神靈之胄尼山請禱天啟  
聖人之生朕聿觀人文敷求往哲惟孔氏之有作集  
羣聖之大成原道統則堯傳舜授之周文王論世家  
則契至湯下逮正考父其明德也遠矣故生知者出  
焉有開必先克昌厥後如太極之生天地如滄海之  
有本原雲仍既襲於上公之封考妣宜視夫素王之  
爵於戲君子之道考而不繆建而不悖于以惇典而

敘倫宗廟之禮愛其所親敬其所尊予以報功而崇  
德尚篤其慶以相斯文齊國公叔梁紇可加封啟聖  
王魯國太夫人顏氏可加封啟聖王夫人 三年正  
月加封聖配為大成至聖文宣王夫人制曰我國家  
惇典禮以彌文本閨門而成教乃睠素王之廟尚虛  
元媿之封有其舉之斯為盛矣大成至聖文宣王妻  
卨官氏來嬪聖室垂裕世家籩豆出房自流風於殷  
禮琴瑟在御存燕樂於魯堂功言邈若於遺聞儀範

僎乎其合德作爾禕衣之象稱其命鼎之名噫秩秩  
彛倫吾欲廣闢睢鵲巢之化皇皇文治天其興河圖  
鳳鳥之祥可特封大成至聖文宣王夫人二月詔修  
曲阜宣聖廟十月寧宗命江浙行省範銅造和寧宣  
聖廟祭器凡百三十有五事

順帝至元元年四月遣翰林院修撰王思誠詣曲阜  
孔子廟致祭 二年七月勅賜上都孔子廟碑載累  
朝尊崇之意 四年正月詔修曲阜孔子廟 五年

二月勅賜曲阜宣聖廟碑

至正二年十月詔遣官致祭孔子于曲阜 八年四月帝幸國學賜衍聖公銀印升秩從二品 七月遣使祀曲阜孔子廟 十六年二月命集賢直學士楊俊民致祭孔子於曲阜仍葺其廟宇

明太祖洪武元年二月詔以太牢祀孔子于國學又遣使詣曲阜致祭使者陸辭上諭之曰仲尼之道廣大悠久與天地相並故後世有天下者莫不致敬盡

禮修其祀事朕為天下主期在明教化以行先聖之道今既釋奠國學仍遣爾修祀事于闕里爾其敬之八月遣官釋奠于孔子定春秋二仲祀孔子儀制歲仲春秋上丁帝御奉天殿傳制遣官以太牢祭先師孔子于太學丞相初獻翰林學士國子祭酒亞獻終獻禮三獻樂六奏文舞六佾郡縣學用少牢祭文曰惟王德配天地道貫古今刪述六經垂訓萬世惟茲仲春秋謹以牲帛醴齊粢盛庶品式陳明薦以復聖顏

子宗聖曾子述聖子思子亞聖孟子配詔衍聖公及  
曲阜縣知縣世襲如前代制復其家欽賜祭田五屯  
灑掃一百戶尼山舊役灑掃十五戶悉蠲雜役 二  
年正月遣祭酒孔克堅祀孔子於闕里十月詔羣縣  
立學祀孔子 三年六月詔祀典諸神罷前代封號  
惟孔子及配祀諸賢封爵如故八月遣官釋奠于孔  
子勅衍聖公致祭闕里官具牲幣歲為常 四年正  
月復闕里孔氏二十六戶徭役詔定釋奠禮器各設

高案豆籩簋簠悉代以磁

初聖像高坐陳祭于坐下于禮不稱至是易以高案

五年二月賜衍聖公屬官

管勾典籍司樂各一人

七年二月修

曲阜孔子廟勅曰春秋時人紀廢壞孔子以至聖之  
資刪述六經使先王之道晦而復明萬世永賴功莫  
大焉夫食粟則思樹藝之先衣帛則思蠶繅之始皆  
重其所從出也孔子之功與天地並立故朕命天下  
通祀以致崇報之意而闕里又啟聖降神之地廟宇  
廢而不修將何以妥神靈昭來世爾工部其即為修

理以副朕懷設孔顏孟三氏教授一員學錄一員十一月詔造送孔子廟樂器祭器法服各給一副設樂舞生一百二十餘名十四年四月建國子學于南京定文廟之制自先聖以下罷塑像改設木主十五年三月命天下郡縣學每歲春秋二仲行釋奠禮諭禮部尚書劉仲質曰孔子明帝王之道以教後世使君君臣臣父父子子綱常以正彝倫攸敘其功參乎天地今天下郡縣廟學並建而報祀之禮止行京



師豈非缺典卿與諸臣其定釋奠儀頒之天下學校  
令每歲春秋仲月通祀孔子五月國子學成十一日  
遣官以太牢祭告孔子十七日帝躬詣廟行釋奠禮  
禮臣曰孔子雖聖人臣也宜一奠再拜帝曰孔子明  
道德以教萬世豈可以職位論乃四拜皮弁執圭再拜而後奠爵  
仍再拜退御藝倫堂命祭酒講經 十七年六月頒孔子  
廟樂器十月頒祭器十二月復幸學 二十四年六  
月勅每月朔望太學祭酒以下行釋菜禮郡縣學長

吏以下詣學行香

北齊每月朔祭酒博士諸生展拜階下宋淳化四年始朔望焚香至

是著

為令二十六年正月詔定文廟樂用登歌舞用六佾

頒大成樂器於天下府學令州縣學式於府學

其制楹鼓

一執事一人編鐘一執事八人編磬一執事八人塤

二簾二執事共四人鳳簫二執事二人笛笙簫各執事

六人琴六瑟二執事共八人歌六人搏拊  
二祝一敔一麾一共五人舞共三十六人三十年十

月重建國子監孔子廟成

成祖永樂元年八月遣官釋奠于孔子 四年三月

上將詣太學行釋奠禮勅禮部曰朕惟孔子帝王之

師帝王為生民之主孔子立生民之道三綱五常之  
理治天下之大經大法皆孔子明之以教萬世朕皇  
考太祖高皇帝膺君師億兆之任正中夏文明之統  
復衣冠禮樂之舊渡江之初首建學校親祀孔子御  
筵講書守帝王之心法繼聖賢之道學集其大成以  
臻至治朕纘承鴻業惟成憲是遵今當躬詣太學釋  
奠先師以稱崇儒重道之意其合行禮儀禮部詳議  
以聞時禮臣議儀言宋制謁孔子服靴袍再拜帝曰

見先師禮不可簡必服皮弁行四拜禮禮畢駕幸太  
學賜祭酒司業坐講經 五年賜衍聖公家贍田七  
十三頃 八年正月文廟聖賢繪塑衣冠 十三年  
正月詔修闕里孔子廟 十四年遣官詣闕里祭告  
十五年夏重修孔子廟成九月帝製文建碑于廟  
其文曰道原於天而畀於聖人聖人者繼天立極而  
統承乎斯道者也若伏羲神農黃帝堯舜禹湯文武  
周公歷聖相傳一道而已周公沒又五百餘年而生

孔子所以繼往聖開來學其功賢于堯舜故曰自生  
民以來未有盛於孔子者也夫四時流行化生萬物  
而高下散殊咸遂其性者天之道也孔子參天地贊  
化育明王道正彛倫使君君臣臣父父子子夫夫婦  
婦各得以盡其分與天道誠無間焉爾故其徒曰夫  
子之不可及也猶天之不可階而升也又曰仲尼曰  
月也無得而踰焉在當時之論如此亘萬世無敢有  
異辭焉嗚呼此孔子之道所以為盛而天下後世之

蒙其澤者實與天地同其久遠也自孔子沒于今千  
八百餘年其間道之隆替與時陟降遇大有為之君  
克表章之則其政治有足稱者若漢唐宋致治之君  
可見矣朕皇考太祖高皇帝天命聖智為天下君武  
功告成即興文教大明孔子之道自京師以達天下  
并建廟學徧賜經籍作養士類儀文之備超乎往昔  
封孔氏子孫襲衍聖公秩視一品世擇一人為曲阜  
縣令立學官以教孔顏孟三氏子孫常幸太學釋奠

孔子竭其嚴敬尊崇孔子之道未有如斯之盛者也  
朕續承大統丕法成憲尚惟孔子之道皇考之所以  
表章之者若此其可忽乎乃曲阜闕里在焉道統之  
系實由於茲而廟宇歷久漸見墮敝弗稱瞻仰往命  
有司撤其舊而新之今年夏畢工宏邃壯觀庶稱朕  
敬仰之意俾凡觀於斯者有所興起致力于聖賢之  
學敦其本而去其末將見天下之士皆有可用之材  
以贊輔太平悠久之治以震耀孔子之道朕於是

深望焉遂書勒碑樹之於廟并系以詩曰巍巍元聖  
古今之師垂世立言生民是資天將木鐸以教是畀  
謂欲無言示之者至惟天為高惟道與參惟地為厚  
惟德與含生民以來實曰未有出類拔萃難乎先後  
示則不遠日月攸趨敢敘有彝遵于聖模仰惟皇考  
聖道實崇禮樂治平身底厥功曰予祇述詎敢或懈  
聖緒丕承儀憲永賴巖巖泰山魯邦所瞻新廟奕奕  
飭祀有嚴鼓鐘煌煌璆磬戛擊八音相宣聖情怡懌



作我士類世有才賢佑我大明於萬斯年

宣宗宣德元年遣太常寺寺丞孔克準詣闕里以太  
牢祭告天曰仰惟先師丕隆道德表正綱常集羣聖  
之大成為百王之儀範茲余嗣位之初謹用祭告永  
資聖化翼我治平

以下元年祭告  
文畧同不備錄

英宗正統元年遣國子監司業趙琬詣闕里祭告

三年禁祀孔子於釋老宮 九年二月帝幸太學釋

奠于孔子詔遷寧陵孔子廟于儀封縣

唐時勅建孔  
子廟于河南

寧陵縣賜祭田十四頃至是遷廟于儀封

代宗景泰元年遣翰林院侍講吳節以香帛詣闕里祭告 二年二月帝幸太學祇謁先聖躬修祀禮

英宗天順元年遣工科右給事中孫昱詣闕里祭告 八年詔山東巡撫賈銓重修闕里先聖廟

憲宗成化元年遣吏部右侍郎尹旻詣闕里祭告三月帝幸太學釋奠于孔子先期遣官行取衍聖公并孔顏孟三氏子孫赴京陪祀觀禮命衍聖公分獻沂

國公

此遣官行取  
觀禮之始

勅修闕里孔子廟 四年修孔子

廟成六月帝撰文勒石樹於廟庭其文曰朕惟孔子  
之道天下不可一日無焉何也有孔子之道則綱常  
正而倫理明萬物各得其所矣不然則異端橫起邪  
說紛作綱常何自而正倫理何自而明天下萬物又  
豈能各得其所哉是以生民之休戚係焉國家之治  
亂關焉有天下者誠不可一日無孔子之道也蓋孔  
子之道即堯舜禹湯文武之道載於六經者是已孔

子則從而明之以詔後世耳故曰天將以夫子為木鐸使天不生孔子則堯舜禹湯文武之道後世何從而知之將必昏昏冥冥無異於夢中所謂萬古如長夜也由此觀之則天生孔子實所以為天地立心為生民立命為往聖繼絕學為萬世開太平者也其功用之大不但同乎天地而已噫盛矣哉誠生民以來之所未有者宜乎弟子形容其聖不一而足至於中庸一書而發明之無餘蘊矣自孔子以後有天下者

無慮十餘代其君雖有賢否知愚之不同孰不賴孔子之道以為治其尊崇之禮愈久而愈彰愈遠而愈盛觀於漢魏以來褒贈加封可見矣迨我祖宗益興學校益隆祀典自京師以達於天下郡邑無處無之而在闕里者尤加之意焉故太祖高皇帝登極之初即遣官致祭為文以著其盛而立碑焉太宗文皇帝重修廟宇而一新之亦為文以紀其實而立碑焉朕嗣位之日躬詣太學釋奠孔子復因闕里之廟歲久

漸敝而重葺修之至是畢工有司以聞深慰朕懷於  
戲孔子之道之在天下如布帛菽粟民生日用不可  
暫缺其深仁厚澤所以流被于天下後世者信無窮  
也為生民之主者將何以報之哉故新其廟貌而尊  
崇之尊崇之者豈徒然哉冀其道之存焉爾使孔子  
之道常存而不泯則綱常無不正倫理無不明而萬  
物亦無有不得其所者行將措斯世於雍熙太和之  
域而無異於唐虞三代之盛也久安長治之術端在

於斯用是為文勒石樹於廟庭以昭我朝崇儒重道  
之意焉系以詩曰天生孔子縱之為聖生知安行仁  
義中正師道興起從遊三千往聖是繼道統流傳六  
經既明以詔後世三綱五常昭然不替道德高厚教  
化無窮人極斯立天地同功生民以來卓乎獨盛允  
集大成實天所命有天下者是尊是崇曰惟聖道曷  
敢弗宗顧予眇躬承此大業惟聖之謀於心乃愜用  
之為治以康兆民聖澤流被萬世聿新報典之隆尤

在闕里廟宇巍巍于茲重美文諸貞石以光于前木鐸遺響餘千萬年十三年詔孔子廟樂用八佾籩

豆用十二

郡縣樂用六佾籩豆各八從祭酒周洪謨之請

遣翰林院學士王

獻詣闕里祭告祝文曰惟王生知之質天縱之聖道德配于二儀做法昭于萬世緬懷功烈宜極褒揚顧冕服之章數雖隆而祀享之儀物弗稱爰攷彝章參合輿論增樂舞為八佾加籩豆為十二蓋用祭天享地之禮樂庶副尊師重道之本意也特遣儒臣遠詣



闕里用申祭告王其鑒知謹告是年增設樂舞生八十名

孝宗弘治元年遣太常寺少卿田景賢詣闕里祭告

三月帝幸太學釋奠于孔子詔于先師位加幣用太

牢改分獻為分奠

從史部尚書王恕之請

先期遣官行取衍聖

公并三氏子孫陪祀觀禮十二年六月闕里孔子

廟災九月遣太常寺少卿李傑詣闕里致祭祝文曰

惟王道德高厚教化無窮廟貌尊嚴古今崇奉比遭

回祿煨燼靡遺斯文在茲胡天弗弔肆維統緒承傳

在予修復舊規所不敢後特申祭告奉慰聖靈洋洋

在天尚其歆鑒 十三年二月重建孔子廟

重建大成殿九

間殿前盤龍石柱兩翼及後簷俱錫花石柱

十七年正月闕里孔子廟成

計工料銀一十五萬二千六百有奇

五月遣大學士李東陽賫香帛并

御製碑文詣闕里祭告文曰惟我先師代天立教禮

嚴報祀四海攸同嶽降在茲廟貌自古頌罹災變實

警予衷爰勅有司命工重建越暨五載厥工告成棟

宇畢新器物咸備光昭儒道用妥聖靈特遣輔臣遠  
將祭告尚祈歆鑒永享明禋 御製碑文曰朕惟古  
之聖賢功德及人天下後世立廟以祀者多矣然內  
而京師外而郡邑及其故鄉靡不有廟自天子至於  
郡邑長吏通得祀之而致其嚴且敬則惟孔子為然  
蓋孔子天縱之聖生當周季聖賢道否之日而不得  
其位以行乃歷考上古以來聖人之君天下者曰堯  
曰舜曰禹湯文武已行之迹并其至言要論定為六

經以垂法後世自是凡有天下之君遵之則治違之則否蓋有不能易者真萬世帝王之師也故自漢祖過魯致祀之後多為之立廟沿及唐宋英明願治之君屢作益尊而信之孔子之廟遂徧天下爵號王公禮視諸侯而加隆焉至于金元亦未嘗或廢蓋天理民彝之在人有不能自泯也我聖祖高皇帝以至神大聖汎掃塵氛植綱常于淪斁之餘武功方戢即遣人詣闕里祀孔子風示天下規度可謂宏遠矣列聖

相承益嚴祀事先後一軌暨我皇考憲宗純皇帝詔  
增廟之舞侑為八籩豆十二禮樂盡同于天子褒崇  
之典至是蓋無以加我國家百有餘年之太平端有  
自哉闕里有廟建自前代規制尤盛弘治己未六月  
燬于火朕聞之惕然特勅山東巡撫巡按暨布政按  
察司官聚材庀工為之重建越五年甲子正月工畢  
巡撫右副都御史徐源巡按監察御史陳璘以其狀  
來上宏深壯麗視舊規有加朕懷乃慰既遣內閣輔

臣太子太保戶部尚書兼謹身殿大學士李東陽往  
告復具巔末為文俾勒之廟庭用昭我祖宗以來尊  
師重道之意并繫之詩曰聖人之生天豈偶然命之  
大君俾贊化權二帝三王君焉克聖繼天立極道形  
於政大化既洽至治斯民巍巍蕩蕩渾乎難名周政  
不綱道隨時墜孔子聖人而不得位乃稽羣聖乃定  
六經萬世之師於焉足徵自漢而下數千餘歲褒典  
代加有隆無替於皇我祖居正體元六經是師卓爾

化原列聖相承先後一揆逮及朕躬思弘前軌廟貌  
載崇祀事孔裡經言典訓彌謹彌敦俗化治成日升  
川至斯道之光允垂萬世

武宗正德元年帝幸太學釋奠於孔子先期遣官行  
取衍聖公并三氏子孫陪祀觀禮 八年遣山東巡

撫都御史趙璜祭告

時因流賊  
犯曲阜

世宗嘉靖元年遣吏部尚書石瑤詣闕里祭告三月  
帝幸太學謁孔子至櫺星門外即降輦步入禮畢仍

步出櫺星門外升輦先期遣官行取衍聖公并三氏  
子孫陪祀觀禮 九年釐正祀典改稱至聖先師孔  
子四配稱復聖顏子宗聖曾子述聖子思子亞聖孟  
子十哲以下弟子皆稱先賢左邱明以下皆稱先儒  
詔天下文廟俱撤塑像易以木主兩京國子監祭用  
十籩十豆府州縣學用八籩八豆樂舞用六佾自製  
祭文服皮弁謁文廟行釋菜禮文曰自昔混沌之初  
天命羲農軒皇創世開物以至堯舜禹湯文武周公



以及先師列聖相繼奉天行道立教誨人肆我聖祖  
再造區宇化行天下我聖祖崇禮于先師御製有文  
典冊俱在予惟寡昧之人仰遵祖憲去前朝褻慢之  
偶像如祖制崇禮之聖謨稱號核實俎豆究本以遵  
禮典兼體先師至意予實不聰賴先師默鑒及良輔  
洪儒所贊之也爰擇令辰特命大臣奉安先師神位  
以及配從之位于此惟先師鑒知永依陟降大運神  
化教我君民俾予性理早開而無負皇天付托之眷

命暨士庶學業咸正而無違先師傳道之至情予實  
有望焉惟先師覺之以復聖顏子宗聖曾子述聖子  
思子亞聖孟子配詔去啟聖公封爵令國子監並天  
下學宮皆建啟聖祠祀叔梁父以先賢顏路曾點孔  
鯉孟孫激配享以先儒程珦朱松蔡元定從祀神宗朝增  
周輔成遣官祭告文曰惟公誕生至聖為萬世王者  
之師功德顯著故茲妥奉公位于此以先賢顏氏曾  
氏孔氏孟孫氏先儒程珦朱松蔡元定配復御撰正

祀說其辭曰朕惟孔子之道王者之道德王者之德也功王者之功也事王者之事也特其位非王者之位焉昨輔臣少傅張聰再疏請正其號稱服章等事已命禮部集翰林諸臣議正外惟號與服章二事所關者重不得不為言之孔子當周家衰時知其不能行王者之道乃切切以王道望於魯衛二國二國之君竟不能明孔子之道孔子既逝後世至唐玄宗乃薦謚曰文宣加以王號至元又益其謚為大成夫孔

子之於當時諸侯有僭王者皆筆削而心誅之故曰  
孔子作春秋而亂臣賊子懼孔子生如是其死乃不  
體聖人之心漫加其號雖曰尊崇其實目為亂賊之  
徒是何心哉又我聖祖當首定天下之時命天下崇  
祀孔子于學不許祀於釋老之宮又除去塑像止令  
設主樂舞用六佾籩豆以十可謂尊崇孔子極其至  
矣無以加矣特存其號豈無望于後人哉亦或當時  
草創未暇歟至我皇祖文皇帝始建北京國學因元

人之舊塑像猶存蓋不忍毀之也又至我皇祖考用  
禮官之議增樂舞用八佾籩豆用十二牲用熟而上  
擬乎事天之禮也夫孔子設或在今肯安享之昔不  
觀魯僭王之禮寧肯自僭事天之禮乎果能體聖人  
之心決當正之也至於稱王賊害聖人之甚孔子昔  
曰名不正則言不順言不順則事不成何其不幸身  
遭之哉夫既以王者之名而橫加於孔子故使顏回  
曾參孔伋以子而並配於堂上顏路曾皙孔鯉以父

從列於下安有子坐堂上而父食于下乎此所謂名  
不正者焉皆由綱領一紊而百目困之而隳耳今也  
不正滋來世之非道將見子不父其父臣不臣其君內  
離外叛可勝言哉 又撰正祀申說其辭曰朕惟為  
人臣盡臣道盡之云者終始死生以之非有所私也  
孔子曰三年無改于父之道朱子釋之曰祖父所行  
之事不但三年雖萬世亦不可改也少有可變豈可  
待之三年夫成法固不可改其於一切事務不可不

急于正之也朕又惟天子不可與匹夫相爭辯斯世  
斯時却不得不辯也昨所命議正孔子之祀典朕不  
知典籍且以易明者言之孔子之謚王號自唐玄宗  
李林甫之君臣始夫孔子已逝在秦漢之前此間豈  
無賢明之君如漢高祖唐太宗皆創業垂統者何不  
加王號于孔子則不敢擁虛名以示尊崇之意可知  
矣林甫之請玄宗之加意必有為林甫之為臣何等  
臣也其意或假尊崇師道以欺玄宗歟玄宗之所加

也何其巧乎自秦而後王天下者稱皇帝漢方以王號封臣下玄宗之封謚孔子何不以皇帝加之是不欲與之齊也特一王號猶封拜臣下耳尊崇之意何在哉蓋此王字非王天下之王實後世王公之王也繇是元君武宗假託之而求謚宋徽宗薦十二章服徽宗之加欲掩其好道教而設此以尊崇耳況以諸侯王而僭天子之服章誣之甚也至于雕塑之像不知孔門弟子即孔子死時而造之且如一人自是一



人貌色不知可增損乎抑不可乎以一聖人而信工  
肆意雕塑曰此是孔子像也殊不知其實是土木之  
靈耳孔子肯依之享之推已之心則知孔子之心也  
又至于八佾之舞十二俎豆又僭禮之甚也決所當  
正 十二年三月帝幸太學釋奠于孔子先期遣官  
行取衍聖公并三氏子孫族人陪祀觀禮 十四年  
授孔承寅為世襲國子監學正奉儀封縣孔子廟祀  
穆宗隆慶元年遣尚寶司卿劉奮庸詣闕里祭告八

月帝幸太學釋奠于孔子先期遣官行取行聖公并  
三氏子孫族人陪祀觀禮

神宗萬歷元年遣尚寶司司丞張孟男詣闕里祭告  
八月帝幸太學命大學士陳以勤釋奠于孔子 四

年八月初二日帝幸太學釋奠于孔子先期遣官行  
取行聖公并三氏子孫族人陪祀觀禮

熹宗天啟元年遣順天府府丞姚士慎詣闕里祭告  
五年二月帝幸太學釋奠于孔子先期遣官行取

衍聖公并四氏子孫族人陪祀觀禮

時曾氏賢裔襲封博士

懷宗崇禎元年五月遣太僕寺卿郭興寧詣闕里祭

告 二年正月帝幸太學釋奠于孔子先期遣官行

取衍聖公并四氏子孫族人陪祀觀禮 十四年八

月帝重幸太學釋奠于孔子陪祀觀禮如二年例

歷代配祀賢儒

漢明帝永平十五年幸魯祀孔子及七十二弟子

祀諸

賢始此後  
不備載

靈帝光和元年畫先聖及七十二弟子像于鴻都門

學

魏齊王正始二年釋奠孔子以顏淵配

顏子配享始此後不備載

北魏孝文帝太和十九年幸魯祠闕里詔拜孔氏四人顏氏二人官

唐太宗貞觀二年詔尊孔子為先聖顏子為先師

二十一年詔以左邱明卜子夏公羊高穀梁赤伏勝

高堂生戴聖毛萇孔安國劉向鄭衆賈逵杜子春馬

融盧植鄭康成服虔何休王肅王弼杜預范甯等二

十二人代用其書垂於國胄自今有事於太學並令

配享尼父廟堂

禮記釋奠于先聖先師康成釋先師以為如詩有毛公禮有高堂生之類

自是後儒言釋奠者本禮記言先師者本鄭氏是時以孔子為先聖以左邱明等二十二人為先師蓋取之于釋經之諸儒也聖門諸賢惟顏子配享于夏列于經師之內餘俱未祀

高宗永徽中復以周公為先聖孔子為先師顏淵左

邱明以降皆從祀顯慶二年復尊孔子為先聖顏

子為先師



總章元年四年贈顏淵為太子少師曾參為太子少保

睿宗太極元年二月加贈顏淵為太子太師曾參為太子太保皆配享

玄宗開元八年進聖門十哲並曾子從祀詔曰顏子等十哲宜為坐像悉令從祀曾參大孝德冠同列特為塑像坐於十哲之次因圖畫七十弟子及二十二賢于廟壁

子夏升祀十哲當作二十一賢

上以顏子亞聖親為製贊

書于石仍令當朝文士分爲之贊題其壁焉

時國子司業李

元璿奏言京國子監廟堂先聖孔宣父配坐先師顏子立侍准禮授坐不立授立不跪況顏子道亞生知才先入室既當配享請據禮文合從坐侍又四科弟子閔子騫等並服膺儒術親承聖教雖復列像廟堂不參享祀謹按祠令何休等二十二賢猶霑從祀豈有升堂入室之子獨不霑配享之餘望請春秋釋奠列享在二十二賢之上七十子之像文翁之壁尚不闕如豈有國庠遂無圖繪請命有司圖形于壁庶爲立贊庶敦勸儒風光崇聖烈曾參孝道可宗獨十三受經于夫子望準二十二賢從享故有是詔

年詔免顏氏子孫賦役 二十七年八月詔以兩京

國子監及天下諸州孔子南面坐十哲等東西行列

侍且門人三千見稱十哲包夫衆美實越等夷暢元  
聖之風規發人倫之耳目並宜褒贈以寵賢明其顏  
子既稱亞聖須優其秩贈顏子為兗國公閔子騫等  
九人俱贈侯七十子並宜追贈曾參等七十三人俱  
贈伯

是時復以曾子列于七十  
子之位諸賢俱列從祀

是年詔建顏子廟于

兗州

明洪武十八年  
改作滋陽縣學

後唐長興三年勅文宣王四壁英賢自此每釋奠宜  
准郊祀錄各陳醢醢等諸物以祭

時國子博士蔡同  
文秦每年釋奠于



文宣王以兗國公顏子配坐以閔子騫等為十哲排  
祭奠其七十二賢圖形四壁面前皆無酒脯今後請  
各設豆爵祠享下禮院言釋奠文宣王並中祠例祭  
以少牢其配坐十哲見今行禮自喪亂以來廢祭四  
壁英賢今詳郊祀錄文宣王從祀諸座  
各遵二豆二簠簋各一爵一詔從之

宋太祖建隆三年以太牢祀兗國公顏子御製贊詞  
詞曰生值衰周爵不及魯一簞藜藿陋巷環堵德冠  
四科名垂千古歿表萬邦遂封東土

真宗大中祥符元年躬祀先聖于闕里加封七十二  
弟子詔曰四科鉅賢並列五等七十達者俱贈列侯

位彼先儒

位字疑誤

皆傳聖道咸加贈典俾耀素風仍命

宋寮分紀遺烈式盡褒揚之旨庶資善誘之方宜令  
中書樞密三司兩制丞郎待制館閣直閣校理分撰  
贊以聞

仁宗景祐三年建孟子廟于鄒之四基山

時孔道輔守兗州求

孟子墓于四基山即基建祠

神宗元豐六年十月追封孟子為鄒國公

從吏部尚書曾孝寬

請詔曰自孔子歿先王之道不明發揮微言以紹三

聖功歸孟氏萬世所宗厥惟舊邦實有祠宇追加爵  
號以示褒崇可封鄒國公 七年五月詔以鄒國公  
孟子配享先聖廟設位于兗國公之次從晉州教授  
陸長愈之請  
建孟子廟于鄒之東郊從知兗州軍  
事李挺之請進荀況楊雄韓  
愈從祀

哲宗元祐元年詔定鄒國公孟子服九旒衣九章

徽宗崇寧元年封子思子為沂水侯 四年詔定冕

服兗國公顏子服九旒冕

大觀二年詔以子思子從祀先聖廟

繪像于左邱明諸賢之間從通

仕郎侯

孟之請

政和三年進王安石配享王雱從祀 四年詔修孟

子廟列一品戟于門賜田百畝以給守者 五年三

月封樂正子克為利國侯配享孟子廟勅曰由孔子

至于孟子百有餘歲去聖人之世若此其近也興聖

人之道若此其難也孟子既歿配享孔子之廟血食

于天下亦可謂至矣今於鄒獨推尊孟子求其門人

高第使得從祀配享南面而處如孔子之尊焉克也  
學古之道好善優于天下追以侯爵其配食焉斯文  
之光萬古不泯可特封利國侯又封公孫丑以下十  
七人為伯從祀孟子勅曰孟子既歿孔道益尊今孔  
子廟食于天下配享從祀後世無並焉肆朕命鄒國  
公尊崇廟貌使世世得祀雖不及于天下至于門人  
高第配享從祀自孔子以來未有如孟子者也爾等  
志不行于當時而見錄於後世列爵疏封亦可為榮矣

可依前件勅封鄒國公孟子諸弟子為伯

從程振之請

宣和三年改建孟子廟于鄒之南郊 四年詔給孟

子廟灑掃戶二十五戶免其徭役

欽宗靖康元年詔降王安石從祀廟廡

右諫議楊時言王安石學

術之謬請黜之

高宗紹興十四年上既製文宣王贊復自顏子以下

諸賢親為製贊其贊顏子曰德行首科顯冠學徒不

遷不貳樂道以居食飲甚惡在陋自如宜稱賢哉豈

止不愚

孝宗淳熙四年黜王雱祀

理宗紹定三年御製孟子贊詞曰道術分裂諸子爲書既極而合篤生真儒詆訶揚墨皇極是扶較功論德三聖之徒

端平二年升子思子入十哲之列

淳祐元年正月進周敦頤張載程顥程頤朱熹從祀

元於皇慶二年從祀  
黜王安石祀

景定二年進張栻呂祖謙從祀

從皇太子之請  
於皇慶二年從祀

元

度宗咸淳三年正月封曾子為郕國公子思為沂國公配食大成殿位于顏孟之間是為四配詔曰孔子稱顏回好學固非三千之徒所同也而其學不傳得聖傳者獨曾子曾子傳子思子思傳孟軻忠恕兩語深契一貫之旨中庸一篇丕闡前世之蘊而孔子之道益著向非顏曾思孟相繼衍繹著書垂訓中更管商楊墨佛老幾何其不遂泯哉今大成惟顏孟侑食



曾思不與尚為缺典先皇帝述道統之傳自伏羲以  
來著十三贊孔子而下顏曾思孟昭然具在非以遺  
我後人乎可令禮官學官議可升曾子子思脩食

升顓孫子于十哲進邵雍司馬光從祀

元於皇慶二年從祀

金世宗大定十四年詔遷孟子像於宣聖右與顏子

相對改塑二賢冕服用九旒九章

初孟子像以燕服在後堂至是遷於

正殿

章宗明昌五年詔顏子孟子後並免徭役 六年八

月修顏子廟告成詔賜樂服遣兗州節度使孫康詣  
廟致祭祀文曰惟公宅廟告成神之式燕肆頒樂服  
以煥聲容殊別上儀表章崇教儼惟亞聖作配先師  
春秋二時祀祭百世尚饗

元太宗九年詔免顏氏子孫軍役

世祖中統三年詔以楊庸為教授訓誨孔顏孟三氏  
子孫

至元二年七月遣集賢院學士王德淵以牲牢致祭

克國公顏子詔免顏氏子孫賦役

成宗大德二年九月遣官致祭克國公顏子

武宗至大四年十月遣國子祭酒劉賡致祭克國公

顏子

仁宗皇慶二年進許衡從祀

延祐三年詔春秋釋奠於先聖以顏子曾子子思孟

子配六月追封亞聖鄒國公父為邦國公母為邦國

宣獻夫人制曰朕惟由孔子至於孟子百有餘歲而

道統之傳獨得其正雖命世亞聖之才亦資父母教  
養之方也其父夙喪母以三遷之教勵天下後世推  
原所自功莫大焉稽諸往代實缺褒崇夫功大而位  
不酬實著而名不正豈朕所以致懷賢之意哉肆頒  
寵命永賁神休 六年進蘧瑗從祀

晉王泰定五年

即致和元年

詔于顏孟二廟各賜鄒縣牧

地三十頃徵其所入以給常祀

撥給顏廟祭田元史作元統二年今從舊

志

文宗天歷二年九月詔建顏子廟于曲阜

元史云即所居陋巷

至順元年九月加封顏子為兗國復聖公曾子為鄒國宗聖公子思子為沂國述聖公孟子為鄒國亞聖公封顏子制曰朕惟孔氏之門人聖人之域顏子一人而已觀其不遷怒不貳過以成復禮之功無伐善無施勞益著為仁之效蓋將不日而化矣惜乎天不假之以年也朕緬懷哲人留心聖學將大彰於風教故特侈於褒嘉於戲用之則行舍之則藏雖潛德一

時之不顯吾見其進未見其止顧聖言百世而彌彰  
尚服寵光丕隆文治可加封兗國復聖公封曾子制  
曰朕惟孔氏之道曾氏獨得其宗蓋本於誠身而然  
也觀其始於三省之功卒聞一貫之道是以友於顏  
淵而無媿授之思孟而不湮者歟朕恭仰休風景行  
先哲爰因舊爵崇以新稱於戲聖神繼天立極以來  
道統之傳達矣國家化民成俗之效大學之書具焉  
其相予之修齊茲式彰於褒顯可加封郕國宗聖公

封子思子制曰昔曾子得聖人之傳而子思克承厥  
統稽夫中庸之一書實開聖學於千載朕自臨御以  
來每以嘉惠斯文為念萬幾之暇覽觀載籍至於致  
中和而天地位萬物育雅留意焉夫爵職之榮既隆  
於升配景行之懿可後於褒嘉於戲有仲尼作於前  
孰儼世家之盛得孟子振其後益昌斯道之傳渥命  
其承茂隆丕緒可加封沂國述聖公封孟子制曰孟  
子百世之師也方戰國之縱橫異端之克塞不有君

子孰任斯文觀夫七篇之書惓惓乎致君澤民之心  
凜凜乎拔本塞源之論黜霸功而行王道距詖行而  
放淫辭可謂有功聖門追配神禹者矣朕若稽聖學  
祇服格言乃著新稱以彰渥典於戲誦詩書而尚友  
緬懷鄒魯之風非仁義則不陳期底唐虞之治英風  
千載蔚有耿光可加封為鄒國亞聖公

舊志作二年  
今照元史

十一月進董仲舒從祀 三年五月加封顏子父為  
杞國公母齊姜氏為杞國夫人制曰朕惟孔子之道



大矣學之以復諸聖傳之而得其宗者其惟顏子乎  
崇其道而褒封其所自出禮也故列聖以來於孔孟  
之考妣亦既褒錫之矣朕迪民興學議禮考文爰命  
有司稽顏氏之先師封之宗國節以一惠顧豈私於  
其家哉享祀有嚴永世無極父無繇可贈祀國公謚  
文裕母齊姜氏追封杞國公夫人謚端獻封顏子妻  
戴氏為克國夫人制曰朕惟顏子脩食於孔聖春秋  
釋奠為郡國通祀又有廟於魯其子孫祠祭宜如孔

氏家人之禮爵秩固當及其配焉夫德足以相其君子則今之歆於世享以比隆闕里之家不亦宜乎妻宋戴氏可追封兗國夫人謚貞素

元祭祀志作元統二年今從本紀

八月立閔子書院於濟南

順帝元統二年六月遣中書省掾鄧昌世以太牢致祭復聖顏子

至正二十一年詔加楊時李侗胡安國蔡沈真德秀封爵未及從祀 二十六年給孟子廟灑掃五戶

明太祖洪武元年制春秋釋奠禮配祀賢儒悉如舊制  
五年罷孟子配享  
六年詔以孟子辨異端闢邪說發明孔子之道宜從祀如故  
二十九年罷揚

雄祀

從行人司副  
楊砥之請

成祖永樂七年遣禮部員外郎饒晞致祭復聖顏子  
英宗正統二年進胡安國蔡沈真德秀從祀  
四年

詔修顏子廟  
七年顏子廟成御製碑文立於廟文  
曰朕惟聖賢之生皆天以為世道生民計非偶然也

雖天處之有不同而聖賢求所以仰副天之意者則一心也孔子之道原於天而承於堯舜禹湯文武周公孔子不得位則惓惓於推明斯道立教垂世以副天之意蓋周公而後必有孔子而後帝王之道明君臣父子之位正尊卑內外貴賤之辨著雖斯理在人皆固有之然非得孔子之教則不能以皆明明之有淺深則行之之效亦因有淺深世道所以有盛衰之不齊也向微孔子之教斯世斯人幾何其不淪於

禽獸也哉此孔子之道所以為天下國家者不可一日而無也三千之徒孔子獨稱顏子好學獨告以帝王為治之大法使孔子居堯舜之位則顏子稷契之倫也聖賢之不得位與年皆天也然而使之得為天地立心為生民立命為萬世開太平有以仰副天之意亦天也君子曰聖人之蘊微顏子殆不可見發聖人之蘊教萬世無窮者顏子也嗟乎孔子其太和元氣顏子其四時之春乎非春其何以見太和之發育

也曲阜故有孔顏廟祀我皇曾祖太宗文皇帝既新  
孔廟而親製文書石朕嗣統之七年爰新顏廟有司  
請文書石并系以詩曰巍巍宣聖道配乾坤化流天  
下光闡人文睿矣克國剛明純粹蕩蕩聖域深造精  
詣為茲四勿以復天理以居廣居進進無止大經大  
本一出於天惟聖誠明顏得其全禮樂之授王佐之  
期鳳鳥不至賢聖側微作範立教永淑來世報德暨  
功代謹秩祀東瞻魯邦生之所都神靈在天亦時來

居既作新廟爰祇祀事弼佑皇明千萬億歲 八年

進吳澄從祀

從輔臣楊士奇之請

九年詔修曾子廟於嘉祥縣

代宗景泰二年命以復聖顏子後希惠為世襲五經

博士 又以亞聖孟子後希文為世襲五經博士撥

賜孟子廟祭田六頃 六年詔有司修葺顏子孟子

二程子朱子各祠廟 十二月詔復顏孟二廟元時

所賜祭田各加撥二十頃置佃戶各十戶

從都御史徐有貞之

請又欽設孟子廟禮生五十六名是年命以宋儒周

敦頤後周冕為世襲五經博士撥給墓田

明末又以

宋儒朱熹後閩派朱挺為世襲五經博士

朱子後有二派長子

塾之後為閩派次子瑩之後為徽派閩派博士七傳至之儒於天啟間襲職明終罷廢

憲宗成化六年十一月撥給顏孟二廟灑掃戶七戶

十八年復賜顏孟二廟灑掃戶二十五戶

孝宗弘治九年進楊時從祀 是年詔修孟子廟

武宗正德元年命以衍聖公次子世襲五經博士主

子思書院祀事 四年重修顏子廟告成御製廟碑



其文曰朕聞孔子之道與天地並當時惟顏子曾子  
得其傳其後則有子思孟子顏氏所傳深且粹矣彼  
三子者得之皆有著述以垂世立教今大學中庸暨  
七篇之作與六經論語並傳萬世所以續往聖之絕  
開來世之迷厥功大矣顏子在聖門獨稱好學而終  
日默然如愚又不幸早死不及立書以垂世蓋其德  
則信粹矣而立教之功靡得而稱焉雖然孔子之言  
曰天何言哉四時行焉百物生焉使聖人之道果不

在於言乎則幾於晦果在於言乎則幾於淺然則以  
言為解又不若無言之教之深且粹也故曰發聖人  
之教詔萬世無窮者顏子也又不遷怒不貳過克復  
以至卓爾之地示萬世為學之妙旨而四代禮樂立  
萬世為治之大法則其功孰加焉曲阜故有廟其地  
即所謂陋巷者歲久圯壞過者興嗟弘治十五年六  
十一代孫博士公鉉奏乞修治先帝俞之及今告成  
前為復聖殿西為祀國公殿又為顏樂亭陋巷井亭

門堂寢廡咸備公鉉又奏乞勒石紀載以示久遠朕  
乃為述其事於碑以闡顏氏之功而因以著先帝崇  
儒之德銘曰周衰道墜聖惟孔作有睿惟賢獨見其  
卓一瓢陋巷以樂其樂終日之愚萬世之覺於皇孝  
皇濟嚅道真既崇闕里陋巷亦新門牆輪奐遷豆斯  
陳顏誰云天其存則長薦之新廟斯道之光

世宗嘉靖二年命以宋儒朱熹後歲派朱墅為世襲  
五經博士九年釐正祀典詔改稱四配為復聖顏

子宗聖曾子述聖子思子亞聖孟子從祀弟子俱稱  
先賢從祀諸儒俱稱先儒悉去前代封號禮臣議以  
申張申黨為一人存張去黨公伯寮秦冉顏何荀況  
戴聖劉向賈逵馬融何休王肅王弼杜預吳澄俱罷  
祀林放蘧瑗鄭康成鄭衆盧植服虔范甯七人令各  
祀於其鄉增入后蒼王通歐陽修胡瑗四人從祀用  
士程敏政之言又增入陸九淵從祀用行人薛侃之言時東廡從祀  
二十七位西廡從祀四十四位十一月詔立啟聖祠

以顏路曾皙孔鯉孟孫激配享以程珦朱松蔡元定  
從祀 十八年命以宗聖曾子後質粹為世襲五經  
博士

穆宗隆慶五年進薛瑄從祀

神宗萬歷十二年進王守仁陳獻章胡居仁從祀

十七年詔撥給曾子廟祭田五十頃佃戶二十戶續  
給十九戶 二十三年以周輔成從祀啟聖祠 四  
十二年進羅從彥李侗從祀

熹宗天啟三年五月遣太常寺少卿魏應嘉致祭亞

聖孟子廟及博士孟承光

天啟二年白蓮賊陷鄒邑博士孟承光率子孔畧禦

賊死之故有是祭

御製祭文其文曰朕惟我朝追崇賢聖恤

及後昆所以維世道覺人心也惟爾孟夫子七篇衛

道心長萬世報功典重豈意魯林遺樹烏不敢巢鄒

谷叢蘭獸何忍剪爾裔孫博士孟承光一門殉難吾

道竒窮朕每覽守臣奏狀殊切愴懷是用遣官敬陳

籩豆式念羹牆暨孟承光母子起爾哀冤歆茲渥典

巖巖未謝上妥亞聖在天之靈烈烈如生下慰博士  
九原之痛於戲天之未喪斯文妖氛立殄澤之不斬  
君子奕葉彌昌豈徒恩賚一時庶冀光昭百代尚享  
懷宗崇禎十五年詔以先儒周敦頤程顥程頤邵雍  
張載朱熹改稱先賢 十六年命以先賢仲子後仲  
子陞為世襲五經博士

山東通志卷十一之三